




Yawj Doz Sij Faenzcieng

看图写文章

Siujbaengzyoux, cingj mwngz yawj mbawdoz gonq, liujgaij neiyungz moix mbaw doz. Siengjsiengj: Lwgdouq caeuq vumhvauz iq fatseng gijmaz saeh? Ciep roengzdaeuq aiq baenzlawz yiengh? Cingj mwngz daihdamj cai, ciuq cuj doz neix bien aen gojgaeq ndeu ba!

Rox Loek Gaij Ndaej

知错能改

Hwnj sat goq meijsuz, lauxsae roeggungjcoz doiq daih-gya gangj: “Dangz goq neix raeuz guh sat soujgoeng, gwnz dieg doek miz haujlai ceij, daihgya yaek baet seuq henz dieгнаengh swheij bw.” Lauxsae ngamq gangj sat, lwgdouq couh maeuq roengzdaeuq nyinh-caen gip ceij gwnz dieg. Vumhvauz iq sousib ndei gij soujgoeng haxbaenh guh haenx, raen dieгнаengh cungqgyang de caeuq lwgdouq miz nyeuq ceij ndeu, lwgda baez cienq, swnh lwgdouq mbouj haeujsim, yungh rengz baez dik. Nyeuq ceij lumj aen binghbanghiuz nei, ringx daengz henz din lwgdouq.

Lwgdouq gip nyapnyaj henz dieгнаengh de seuqsak le, mwh cingq yaek ndwn hwnj dawz nyapnyaj bae cuengq haeuq doengj nyapnyaj bae, raen henz din youh lai nyeuq ceij ndeu. De simcingz miz di lak lo,

de sing hung hemq hwnjdaeuq: “Gou ngamq gip seuq, dwg byawz youh luenh vut?” Vumhvauz saenzcingz miz di vueng, cix guh yiengh simdingh naeuz: “Nyeuq ceij neix dwg mwngz ba, haxbaenh gou sousib doxgaiq gwnz daiz couh yawjraen lo.”

“Hoeng haxbaenh gou mingzmingz sousib laj dieгнаengh seuq loya!” Lwgdouq nyinhcaen siengjsiengj le, youh naeuz: “Mbouj deng, neix gig lumj daj ndaw doengjgvihi daizaw mwngz ringx roengzdaeuq!”

“Gij gou haxbaenh gip hwnjdaeuq loya.” Vumhvauz iq euq naeuz.

“Mwngz yawj, neix couh dwg gij biteih mwngz.” Lwgdouq gip nyeuq ceij hwnj, itmienh hai nyeuq ceij itmienh naeuz.

“Neix mbouj dwg gou, wnggai dwg bouxwnq.” Vumh-

vauz iq laebdaeb euq naeuz.

Song boux de doxceng, yinx daeuq haujlai doengzhag humxyawj. Lingz iq naeuz: “Gou haxbaenh yawjraen mwngz dik nyeuq ceij gyangluengq coh mbiengj lwgdouq mbat ndeu.” “Gou hix yawjraen lo.” Yiengz iq naeuz. “Dou hix yawjraen lo!” Gyoengq roeg iq caemh sing naeuz.

Vumhvauz iq najmong dwk ngaem gyaeuq roengzdaeuq, doiq lwgdouq nyinhloek naeuz: “Gou mbouj wnggai aeu nyapnyaj swheij dik daengz baih mwngz bae. Lwgdouq, doiq mbouj gvaq, gou itdingh gaijcingq.” De daj ndaw fwngz lwgdouq aeu nyeuq ceij, cuengq haeuq doengjnyapnyaj bae.

(Huznanz Cangzsah Si Sienghgyangh Sinhghih Lenz-vah Cin Cunghsinh Siujyoz ngeih nienzgaep Dai Swh-cwngz)

Saehgienh Nyeuq Ceij

纸团事件

Dinglingling…… singlingz hwnjdangz yiengj lo, vumhvauz iq ganjvaiq naengh ndei, dawz saw okdaeuq cinjbi doeg. Lwgdouq cix lij maeuq youq laj daizsaw guhcaemz, lwgda vumhvauz baez veq, yawjraen nyeuq ceij lwgdou vut gwnz dieg haenx lo.

“Lwgdouq cungj luenh vut nyeuq ceij, lij vut daengz baih gou daeuq.” Vumhvauz iq ndawsim siengj, “Baezneix gou mbouj nyiengh mwngz lo.” Swnh lwgdouq mbouj haeujsim, de yungh rengz dik mbat ndeu, dik nyeuq ceij gvaqbae lo.

“Byawz ha, guh gijmaz lo?” Lwgdouq fwt diuq hwnjdaeuq. Laxlawz, vumhvauz iq dik nyeuq ceij deng caekhaex lwgdouq lo, lwgdouq deng doeksaet, daejvava hemq hwnjdaeuq.

Vumhvauz iq gag siengj: Dai lo, mbat neix cauxhux lo. De baenq gyaeuq doiq lwgdouq

naeuz: “Byawz heuh mwngz luenh vut nyeuq ceij?!” Lwgdouq hix mboujgam fugsaw naeuz: “Yienghneix mwngz hix mbouj ndaej luenh dik ha!”

Mwhde, lauxsae byaij gvaqdaeuq doiq lwgdouq caeuq vumhvauz iq naeuz: “Lwgdouq, mwngz luenh vut nyeuq ceij dwg mbouj deng bw, caiqgangj seizneix dwg seizgan hwnjdangz, mwngz yaek nyinhcaen dingq goq.” “Vumhvauz iq, cungj guhfap mwngz hix mbouj deng, miz saeh roengz dangz le caiq caeuq lwgdouq ndeindei gangj.”

Roengz dangz le, nyeuq ceij gwnz dieg mbouj raen lo, vumhvauz iq caeuq lwgdouq fwngz gaem fwngz doxcaez byaij ok gyausiz bae.

(Huznanz Swngj Yozyangh Bingzgyangh Yen Swhyenz Sizyen Yozyau ngeih nienzgaep Lai Ginghenh)

Hit Daegbied

特别的教训

Seizgan guhhong daengz lo, gyoengq siuj-baengzyoux nyaengq baetdieg hwnjdaeuq. Lwgdouq maeuq youq gwnz dieg nyinhcaen gip ceij soiq.

Vumhvauz iq daiznden dwg duz gik okmingz ndeu, de cimyawj cungqgyang gyangluengq miz nyeuq ceij ndeu, ndawsim couh siengj ok aen cawjeiq ndeu. Vumhvauz iq laeglemx iet ga ok, yungh rengz baez dik, nyeuq ceij ringx daengz henz gadaiz lwgdouq bae lo. Vumhvauz iq yawj seiqhenz, roxnyinh wnggai mbouj miz vunz yawjraen de guh gijneix, couh daekeiq vauvau siengj: Yawj gou geijlai coengmingz, yienghneix gou couh mbouj yungh

baetdieg lo.

Lwgdouq gig mbouj yungzheih cingleix nyapnyaj henz din sat, baez baenq gyaeuq, cix raen henz gadaiz lai ok nyeuq ceij ndeu. “Baenzlawz baenzneix geizheih youh lai ok nyeuq ceij ndeu daeuq ne?” De danq mbat heiq ndeu.

Lwgdouq yied siengj yied raen mbouj deng, yawj vumhvauz gij yiengh daekeiq de, ndawsim fwt rox lo. Lwgdouq sing hung hemq coh vumhvauz iq: “Dwg gizlawz mbin daeuq nyeuq ceij ha?” Vah ngamq gangj sat, gyoengq siuj-baengzyoux daj seiqhenz yawj coh vumhvauz iq. Vumhvauz iq gwnz naj ndatfwdfwd, haemz mbouj ndaej vat aen deihoengq ndeu ndonj haeujbae, de siengj: “Baez wnq caiq hix mbouj gag guh coengmingz lo!”

(Cezgyangh Ningzboh Sanghaij Seiq-gyaiq Vaigozyij Yozyau ngeih nienzgaep Ciz Vei)

Lijdwg Baengzyoux Ndei

还是好朋友

Roengz dangz lo, duz douq rwz hung maeuq youq laj daizsaw swheij gip ceij soiq. Vumhvauz rwz soem cingq yaek dawz bonj saw ndeu okdaeuq yawj, sawqmwh raen gyangluengq miz nyeuq ceij ndeu. De cimyawj nyeuq ceij, cehda baez baenq, swnh duz douq rwz hung mbouj haeujsim, laeglemx dik nyeuq ceij gvaq baih duz douq rwz hung bae. Duz douq rwz hung ngamq sousib nyapnyaj sat cinjbi hwnjdangz, cix raen henz daiz lij miz nyeuq ceij ndeu. Baez siengj daengz yaek hwnjdangz lo. De gip dwk daejnga'nga.

Vumhvauz rwz soem yawj gij yiengh duz douq rwz hung, miz di mbouj ndei eiqsei lo, laeglemx dawz nyeuq ceij cuengq haeuq ndaw “dungx daizsaw” swheij bae, yienzhaeuh doiq duz douq rwz hung naeuz: “Nyeuq ceij neix dwg gou dik gvaqbae, doiq mbouj gvaq. Gou gaenq gip hwnjdaeuq lo, mwngz gaej daej lo, raeuz hwnjdangz gonq ba.” Douq rwz hung dingq le ngaekngaek gyaeuq.

Duz douq rwz hung yienzliengh vumhvauz rwz soem lo, song boux de ciuqgaeuq dwg baengzyoux ndei.

(Gyanghsuh Suhcouh Ginhghihuz Yozyau it nienzgaep Cangh Noz)

